

新
疆
識
略

欽定新疆識畧卷四

伊犁輿圖

伊犁之地在漢及魏爲烏孫在唐爲西突厥在明爲瓦剌卽衛拉特之訛衛拉特凡四而綽羅斯部居首是爲準噶爾乾隆二十二年平準噶爾定伊犁其地統轄新疆爲天山南北總會之區自北而西與哈薩克接界自西而南與布魯特接界東與烏魯木齊所屬精河接界東北與塔爾巴哈台所屬阿魯沁達蘭卡倫接界南與阿克蘇所屬噶克察哈爾海臺接界東西一千五百餘里南北一千

一百餘里木蘇爾峙其陽塔勒奇障其陰左以額
林哈必爾罕爲門戶右以善塔斯爲藩籬而伊犁
河橫亘其中河之北列城九爲將軍官兵分駐之
所有游牧二河之南爲錫伯厄魯特駐劄游牧之
所地處極邊形勝四塞緬維乾隆年間初經平定

高宗純皇帝軫念邊陲尤殷耕牧恭讀

聖製集有二麥大熟

詩伊犁大熟

詩伊犁客民願入屯田戶籍

詩伊犁各城戶口耕牧情形

詩伊犁馬牛羊

詩蓋始則犁庭掃穴繼則浹髓淪肌

仁宗睿皇帝御宇以來

恩威光被加以

澄清吏治

綏撫外夷邊地乂安年豐人樂以現今戶口計之惠遠城

滿營二萬二千六百餘口惠寧城滿營一萬三千

三百四十餘口錫伯營九千二百餘口索倫營四

千五百餘口察哈爾營一萬一千七百餘口額魯

特營二萬六千三百餘口沙畢納爾營九千三百

餘口緣營一萬零七百餘口同子三萬四千三百
餘口而戶民之來往無常者不與焉較底定之初
不啻倍蓰則夫宣


朝廷德意敷保惠之休以飭懋和之治者惟邊帥之責
矣謹繪伊犁總圖又爲分圖四首東北次東南次
西南次西北其城池廨署山川壇廟祠宇軍臺河
渡隄堰以類附焉

總圖

界平阜




伊翠東七




南東翠伊



界車庫



伊犁西刊



圖與境

月 25 日 晴



伊犁西七




卷四

七

巴勒喀什河

圖與境



伊犁

城池廨署

惠遠城乾隆二十八年將軍明瑞

奏建在伊犁河北岸高一丈四尺周一千六百七十四丈共九里三分門四東景仁西說澤南宣閭北來安中建鼓樓一座嗣於五十八年將軍保寧以創建惠遠城已三十餘載戶口繁多原立房間不敷居住

奏明於城東展築二百四十丈共一里三分三釐有零統計新舊城共十里六分三釐有零

城內滿營駐劄

將軍衙署一所

叅贊大臣衙署一所

各營領隊大臣衙署四所

惠寧城領隊大臣公署一所

綠營總兵公署一所

營務印房糧餉駝馬功過處公署五所

滿營檔房一所

八旗協領衙署八所

佐領防禦驍騎校衙署共一百二十所

各佐領磨房四十所

八旗官馬圈八所

理事同知衙署一所

撫民同知衙署一所

倉員衙署一所

巡檢衙署一所

清書學八所乾隆三十一年將軍明瑞以八旗隨營子弟不能家自爲學每旗各設清書學房一所每學房教習二人分司教書教弓學生無定額派滿營官管理年終派員考課

義學一所乾隆三十四年將軍伊勒圖

奏明兩滿營特設義學一所派協領等官管理滿洲
蒙古漢字教習各一人官學生各三十名按年考
拔如果啟迪有方該教習於薪水外賞給鹽菜其
學生分別等次月給紙筆銀兩該管官紀錄一次
其蒙古教習專教托忒字

敬業官學一所嘉慶七年將軍松筠以八旗子弟
能讀書者甚多因於旗學義學及八旗閒散童蒙
中挑取聰慧者入敬業學肄業於旗下及廢員中
選派滿漢教習分司教讀並宣講

聖諭廣訓每月給教習薪水費學生紙筆銀兩派滿營協領

等官管理

俄羅斯學一所乾隆五十七年將軍保寧以伊犁無通曉俄羅斯語之人

奏請於京城俄羅斯館內選派一人來伊犁教習官兵子弟十數人又

奏定五年期滿考試學生擇其優者將試卷咨送軍機處磨勘具奏一等第一者准充本處筆帖式遇缺坐補每年秋季仍派官考試如有成效將該管官報部給與紀錄一次教習等賞給一月鹽菜費伊錢局一所

倉庫一所

軍器庫一所

軍器局一所乾隆三十三年惠遠城設立撤袋弓箭鞍靴鐵造等局五十五年署將軍永保

奏准將撤袋弓箭等局合爲一局派協領等官董理於各營選擇善於工作人等修造售賣

東門外教場一所

火藥局一所

養濟院一所

西門外貿易廳一所

北關汛守備公署一所

惠寧城乾隆三十一年將軍明瑞

奏建在惠遠城東北七十里地名巴彥岱距綏定城
九十里距廣仁城一百五十里距瞻德城一百二
十里距拱宸城一百八十里距熙春城十里距塔
勒奇城一百里距寧遠城二十里高一丈四尺周
六里三分門四東昌葉西北豐南遵軌北承樞城
東垣內外屢出水泉城垣兵房多有傾圯嘉慶十
年將軍松筠

奏明向西移築將南東北三面水泉鹹灘潮濕之地

隔出舊有傾圯城牆四百六十丈全行拆去南北
兩面舊有堅固城牆各一百八十七丈及南北城
門仍舊黏修如故東面接築三百丈又拆平舊城
西面牆三百丈南北接舊有堅固城牆向西各接
築一百九十五丈新築西面三百丈通共新築九
百九十丈統計原留南北兩段舊有城牆通長一
千三百六十四丈並於南北偏西添建城門二

欽頒城名西北曰綏成西南曰協阜

城內滿
營駐劄

領隊大臣衙署一所

協領衙署四所

佐領防禦驍騎校衙署四十八所

滿營檔房一所

各佐領磨房十六所

八旗官馬圈四所

糧員衙署一所

巡檢衙署一所

清書學八所

義學一所

倉廩一所

軍器庫一所

城西北教場一所

綏定城乾隆二十七年將軍阿桂

奏建在惠遠城西北三十里地名烏哈爾里克距惠

寧城九十里距廣仁城六十里距瞻德城四十里

距拱宸城九十里距熙春城一百里距塔勒奇城

十里距寧遠城一百二十里城高一丈七尺周四

里三分門三東仁熙西義集南利渠

屯鎮中營駐劄

總兵衙署一所

遊擊衙署一所

守備衙署一所

千把外委衙署一十八所

糧員衙署一所

巡檢衙署一所

倉廩一所

軍器庫一所

南門外教場一所

廣仁城乾隆四十五年將軍伊勒圖

奏建在惠遠城西北九十里地名烏克爾博羅素克
距惠寧城一百五十里距綏定城六十里距瞻德
城二十里距拱宸城九十里距熙春城一百六十

里距塔勒奇城五十里距寧遠城一百七十里城
高一丈三尺周三里六分門三東朗輝西迎灝南

溥惠

屯鎮左
營駐劄

遊擊衙署一所

守備衙署一所

千把外委衙署一十八所

本營倉廩一所

軍器庫一所

瞻德城乾隆四十五年將軍伊勒圖

奏建在惠遠城西北七十里地名察罕烏蘇距惠寧

城一百二十里距綏定城四十里距廣仁城二十里距拱宸城七十里距熙春城一百三十里距塔勒奇城三十里距寧遠城一百四十里城高一丈三尺周三里六分門三東升瀛西履平南延景屯右營駐劄

都司衙署一所

守備衙署一所

千把外委衙署一十八所

本營倉廩一所

軍器庫一所

拱宸城乾隆四十五年將軍伊勒圖

奏建在惠遠城西北一百二十里地名霍爾果斯距
惠寧城一百八十里距綏定城九十里距廣仁城
九十里距瞻德城七十里距熙春城一百九十里
距塔勒奇城八十里距寧遠城二百里城高一丈
七尺周三里七分門三東寅暉西遵樂南綏定

屯鎮

叅將
駐劄

叅將衙署一所

守備衙署一所

千把外委衙署一十八所

巡檢衙署一所

本營倉廩一所

軍器庫一所

熙春城乾隆四十五年將軍伊勒圖

奏建在惠遠城東南八十里地名哈喇布拉克距惠

寧城十里距綏定城一百里距廣仁城一百六十

里距瞻德城一百三十里距拱宸城一百九十里

距塔勒奇城一百一十里距寧遠城十里城高一

丈周二里二分門三東觀恩西凝爽南歸極

屯鎮都司

駐劄

都司衙署一所

千把外委衙署九所

本營倉廩一所

軍器庫一所

塔勒奇城乾隆二十六年辦事大臣阿桂

奏建在惠遠城西北三十里地名塔勒奇距惠寧城一百里距綏定城十里距廣仁城五十里距瞻德城三十里距拱宸城八十里距熙春城一百一十里距寧遠城一百二十里城高一丈周一里五分六釐無城名亦無門名嘉慶七年於城北面兵丁

自行展築四十丈添蓋房間用資棲止

屯鎮守
備駐劄

守備衙署一所

千把外委衙署六所

糧員衙署一所

倉廩一所

軍器庫一所

寧遠城乾隆二十七年將軍阿桂

奏建在惠遠城東南九十里地名固勒札距惠寧城

二十里距綏定城一百二十里距廣仁城一百七

十里距瞻德城一百四十里距拱宸城二百里距

熙春城十里距塔勒奇城一百二十里城高一丈六尺周四里七分門四東景旭西環瀛南嘉會北

歸極

同子駐劄

碑亭一座在城外東北隅半里許高阜上恭勒

高宗純皇帝聖製平定準噶爾勒銘伊犁碑文一通又聖製平定準噶爾後勒銘伊犁碑文一通

阿奇木伯克衙署一所

伊什罕伯克衙署一所

糧員衙署一所

倉廩一所

與糧員衙署俱在伊犁河北岸距寧遠城八里

山川

額林哈必爾罕山在惠遠城東北四百餘里乾隆二十二年大軍再定伊犁將軍兆惠由此進兵阿布喇勒山在惠遠城東二百餘里俗名獨山子爲將軍班第叅贊大臣鄂容安雙烈殉節處

博羅布爾噶蘇山在惠遠城東二百一十里乾隆二十三年將軍兆惠由博羅布爾噶蘇副將軍富德由賽里木淖爾分兩翼合圍會於伊犁搜捕厄魯特之潛匿者兆惠所經蓋卽此山及博羅布爾噶蘇水側也

哈什山在惠遠城東北三百餘里由山迤東爲官

兵演圍之所哈什河從此流出

惠遠城五十里至沙喇托海又六十

里至濟爾哈朗又五十里至塔什鄂斯坦又五十里至博羅布爾噶蘇又六十里至蘇布台又六十里至額琳莫多又九十里至吉爾瑪泰又六十里至齊齊爾哈納托海又二十里至巴爾加圖是爲第一圍又二十里至哈喇果勒爲第二圍又五里至烏里雅蘇圖爲第三圍又十里至哈普齊克布董爲第四圍又十里至哲庫布董爲第五圍又十五里至阿爾斯朗圖布董爲第六圍又五里至哲里莫多爲第七圍又五里至阿木爾莫多爲第八圍又十里至圖爾根察罕烏蘇爲第九圍又六里至阿爾沙圖察罕烏蘇爲第十圍卽底圖也其山陰則屬庫爾喀喇烏蘇境矣

崆郭羅鄂博山在惠遠城北三十餘里山產煤

塔勒奇山在惠遠城北九十里乾隆二十年北路

大軍由波羅塔拉越此山之嶺進勦嶺險峻如關
谷中林木茂密俗呼爲果子溝嶺下出泉匯爲大
河徑流谷中往來者分繞水之東西自松樹頭至
山口凡橋四十二座

庫庫托木達巴罕在惠遠城西北三百餘里

都蘭哈拉山在惠遠城西北三百里輝發卡倫北
雅爾噶圖山在惠遠城西北三百里舊套賴圖卡
倫西

亨格爾圖山在惠遠城西北三百餘里舊套賴圖
卡倫東北

哈爾圖哈喇山在惠遠城西北三百餘里
崆郭羅鄂倫卡倫南

呼魯克山在惠遠城西五百餘里
庫圖勒卡倫西北扎拉圖卡倫東

阿勒坦額墨爾都圖山在惠遠城西北四百餘里
山之東有地名庫隴癸在崆郭羅鄂倫卡倫外西北九十里
乾隆二

十三年將軍兆惠勦叛黨昂克圖塔爾巴等四宰
桑大捷於此

聖製詩有庫隴癸之戰卽其地也

薩爾塔罕山在惠遠城西北四百餘里
阿勒坦額

墨爾都圖山之南

推布霍圖山在惠遠城西北五百餘里察林河之北岸伊犁河之南岸

哈升達巴罕在惠遠城西南二百里哈升水出山之陽南流

沙拉諾海達巴罕在惠遠城西南一百餘里哈升達巴罕之東

格登山在惠遠城西南五百餘里乾隆二十年大軍勦準噶爾達瓦齊結營此山巴圖魯侍衛阿玉錫及巴圖濟爾噶爾察哈什三人率二十二卒夜

攻之破其營降六千五百騎達瓦齊逸山嶺有

高宗純皇帝聖製平定準噶爾勒銘格登山之碑

伊什噶爾迪山在惠遠城西南三百餘里

畢爾巴什山在惠遠城西南四百里伊什噶爾迪山之西南

巴彥聚爾坤山在惠遠城西南四百里畢爾巴什山之西

善塔斯達巴罕在惠遠城西南八百里其西南臨特默爾圖淖爾考漢書顏師古注葱嶺云山多生葱故以名嶺今善塔斯嶺上多野蔥蓋葱嶺自吉

布察克山而東爲阿喇古山又東爲喀克善山又東至阿克蘇北善塔斯殆喀克善山分支實慈嶺也

索果爾達巴罕在惠遠城東南二百十五里索果爾軍臺南二十里山產鐵回子於此採挖

阿爾台山在惠遠城東南二百餘里特克斯河北岸雪爾圖諸水周其陰

那喇特達巴罕在惠遠城東六百餘里昌曼河所自出也自此而西爲厄魯特游牧

特克斯河源在惠遠城西南五百餘里山中東北

流八百餘里由諾穆琿松山東會崆吉斯河

詳見卷一

崆吉斯河源在惠遠城東七百餘里山中西流會

特克斯河

詳見卷一

哈什河源在崆吉斯河源北由阿布喇勒山北分

二支入伊犁河

詳見卷一

博羅布爾噶蘇河在惠遠城東二百餘里

濟爾哈朗河出哈什山口流經濟爾哈朗回莊乾

隆二十二年阿睦爾撒納噶諸降夷呢嗎等作亂

將軍兆惠以孤軍駐濟爾哈朗轉戰而出

闕里沁河在惠遠城東北一百餘里南流灌漑兩

滿營屯工及巴彥岱綠營屯工地畝

東阿里瑪圖山泉在惠寧城北源出北山舊日流
爲河後經灌田引水歸渠

烏哈爾里克河在惠遠城北一百餘里出塔勒奇
迤東山中

察罕烏蘇水在惠遠城西北一百餘里

西阿里瑪圖水在惠遠城西北一百二十餘里

滾壩溝水在惠遠城西一百三十餘里

霍爾果斯河在惠遠城西北一百四十餘里

策集河在惠遠城西北二百餘里

薩瑪爾河在惠遠城西北二百餘里

圖爾根河在惠遠城西北二百餘里

奎屯河在惠遠城西北三百餘里

察林河在惠遠城西南四百餘里

特穆爾哩克河在惠遠城西南四百餘里

格根河在惠遠城西南五百餘里

哈爾奇喇河在惠遠城西南五百餘里

沙喇雅斯河在惠遠城西南四百餘里

達布遜淖爾在惠遠城西南三百里

察布察爾河在惠遠城東南二百餘里引爲渠溉

洋薩爾及銅厥回莊

伊犁河經惠遠城南半里許

詳見卷一

唐書言西突厥

分其部爲二以伊列水爲界又顯慶二年以蘇定方爲伊麗道行軍總管伊列伊麗卽伊犁之訛

賽里木淖爾在惠遠城東北二百餘里塔勒奇嶺之北周三百餘里四周皆大山其北山後有地名波羅塔拉水草豐茂土地平曠乾隆二十二年阿睦爾撒納自哈薩克潛入伊犁會諸賊於此欲自立爲汗蓋舊爲準噶爾游牧今爲察哈爾游牧

壇廟祠宇

萬壽宮在惠遠城北門內乾隆三十一年建門前恭勒
高宗純皇帝聖製土爾扈特全部歸順記碑文一通又
聖製優恤土爾扈特部衆記碑文一通

社稷壇在惠遠城南門外嘉慶九年將軍松筠

奏言伊犁自乾隆二十九年建立城垣後山河廟宇
歷經載入祀典春秋致祭惟

社稷尙未建有壇壝伏思社以報功稷以祈穀現在伊
犁八旗新開地畝疏濬水渠近已漸有成規年來
春雪過大恐妨農事曾於城南門外潔淨處所築
壇祈禱幸得夏日暢和八旗綠營回子屯畝咸登

豐稔本年二麥現已登場秬稻亦已結實可卜有秋合無仰懇

聖恩准照各省地方建立

社稷壇載入伊犁祀典庶可隆祈報而垂永久等因具奏奉

硃批該部議奏欽此當經禮部議則例內載凡直省府州縣各擇爽塏之地建

社稷壇均北向歲以春秋仲月上戊日爲民祈報等語今該將軍奏稱伊犁八旗新開地畝疏濬渠水近已漸有成規請照各省地方立

社稷壇春秋祈報以隆祀典應如該將軍所請建立所
有春秋致祭祭品儀注均如各省致祭

社稷壇之例辦理其致祭應用銀兩照例咨報戶部核
銷奉

旨依議欽此嗣禮部咨開祭文儀注其祭文曰惟

神奠安九土粒食萬邦分五色以表封圻育三農而蕃

稼穡恭承守土肅展明禋時屆仲春敬修祀典庶

丸丸松柏鞏磐石於無疆翼翼黍苗佐神倉於不

匱尙饗每年春秋譯用清字祝文其儀注曰致祭時豫陳祭品

每神位前各帛一鉶二簋二簋二籩四爵三共羊

一豕一尊一祭日雞初鳴承祭官以下咸朝服齊

集

本地仍常服

黎明贊引禮生二人引承祭官詣盥洗

所盥洗通贊禮生贊執事者各司其事贊引者引承祭官至階前拜位立引班禮生二人分引陪祭官文東武西各就拜位序立乃迎神贊引者引承祭官升壇詣香案前司香跪奉香承祭官三上香復位行三跪九叩禮陪祭各官皆隨行禮奠帛初獻爵司帛奉匱進跪奠匱司爵奉爵進爵奠正中皆退司祝禮生至祝案前跪承祭官暨陪祭各官皆跪司祝者讀祝畢詣神位前跪安於案叩如初

退承祭官暨陪祭各官行三叩禮亞獻爵奠於左
終獻爵奠於右均儀如初獻乃徹饌送神承祭官
行三跪九叩禮陪祭各官皆隨行禮司祝奉祝司
帛奉帛恭送瘞所承祭官轉立拜位西旁東面候
祝帛過復位引至望瘞位望瘞贊禮告禮成引退
衆皆退

先農壇在

社稷壇北嘉慶十年咨部捐建禮部咨開祭文曰惟
神肇興稼穡粒我蒸民頌思文之德克配彼天念率育
之功常陳時夏茲當東作咸服先疇洪惟

九五之尊歲舉

三推之典恭膺守土敢忘勞民謹承彝章聿修祀事惟

願五風十雨嘉祥恒沐於神庥庶幾九穗雙歧上

瑞頻書於大有尙饗

譯用清字

每年致祭如祭

社稷壇之儀並行耕藉禮

山川於教場望祭乾隆二十五年辦事大臣阿桂

奏祀伊犁之格登山額林哈必爾罕山伊犁河三處

請頒祭文香帛奉

旨著照所請每年春秋致祭外應用祭文香帛等物該部

照例頒發欽此二十八年正月奉

旨博克達格登等山現在每年俱有祭祀伊犁一帶山河並未致祭嗣後所有伊犁等處應祭山河每年均著一體祭祀欽此

博克達係烏魯本齊所祀山名

是年二月將軍明瑞遵

旨將伊犁一帶應祭山河陸續擇日致祭並將山河名目

另片呈

覽請以每年應用祭文香帛等物照例頒發奉

旨著照所請行欽此

另片所開致祭山河名目

喀郭羅

山隨祭哈什河

喀吉斯河

阿勒坦

額墨爾都圖

山隨祭薩瑪爾河

策集河

奎屯河

塔勒奇山隨

上諭禮部奏伊犁春秋致祭格登山等處山河乾隆二十

六年二十八年原頒祭文十六道應否增改請旨遵行
一摺仰惟

皇考高宗純皇帝平定新疆版圖式廓懷柔河嶽祀典昭
垂自應億萬年遵守原文用彰偉烈所有前頒祭文內
原書

朕字俱敬謹改書

高宗純皇帝尊稱其餘字句概毋庸更改該部卽行文伊
犁將軍永遠欽遵入於交代其烏魯木齊等處亦照此
畫一辦理欽此伊犁凡正祭隨祭山川共一十六處

格登山

正祭其文曰惟

神位正金方勢崇西極鎮準噶爾之全部夙著靈奇
導岡底斯之羣峯丕宣氣化職方未載乃應運而
服懷柔王會成圖早報功而行刊旅提龍在望報
饗宜虔

高宗純皇帝綏定遐荒創平大漠負陰抱陽之類莫不尊
親出雲降雨之司咸同覆載惟格登山之雄峙環
伊犁河以高騫地險爰標神功攸懋在奪壘擒生
之日助王旅以宣威溯磨崖紀績之辰翼

天庥而効順作屏遠服載揚赫濯聲靈考制名山用展虔
縣典物謹先期而諏吉俾時享而薦馨康我邊陲

永秩春秋之祀表茲絕域式垂山海之經雉譯咸
通鴻圖常固聿將芬苾庶克歆承 額林哈必爾

罕山

正祭 其文曰惟

神保障遐方奠基西土層巒內拱在漠南綏靖之前
協氣遙迎朔閏外奮揚之日逐飛廉於塞外八公
之草木皆兵示象鼎於寰中九牧之神姦悉化輯
寧有地報享宜頒

高宗純皇帝底定荒陬乂安絕域懷柔所及龍堆盡列於
版圖撫馭攸加月窟咸通於聲教叛酋潰竄頭屢
觸於不周勝旅先登尸遂陳夫貳負稽膚功之迅

奏實靈效之克彰用奏明禋永垂嘉典峙金方而
作鎮著神功於華嶽以西表翠嶂以爲屏秩祀典
於流沙之外尙期出雲降雨遠敷惠澤於邊疆惟
茲酌醴牽牲敬念普存於民力神其來格鑒此苾
芬

伊犁河

正祭

其文曰惟

神洪源遠濬沛澤旁敷作襟帶於兌方朝宗有本協
盈虛於坎德用涉咸昭境過渠搜遐控流沙而外
地連越匿舊傳伊列之名環絕域以含滋亘平垣
而布潤効靈不爽錫典宜優

高宗純皇帝撫馭宸輿牧寧荒微定準噶爾之全部刻木

遙通倂厄魯特之名王恬波共慶惟茲巨川之利
濟實當大漠之奧區聲教所宣懷柔悉協溯昔六
師飛渡旣彰孚佑之休後來千耦興屯益普灌輸
之利典隆秩祀儀肅祠官頒制帛以孔虔練吉辰
而肇舉春秋將事萬里宏漸被之規牲醴薦馨諸
藩享澄清之福尙希昭格來享苾芬 崆郭羅鄂

博

正祭

其文曰惟

神鍾靈地絡分脉天山南眺伊犁與塔勒奇以並峙
西通葱嶺鎮衛拉特以稱雄符艮德以安敦助宣
元化臨允方而聳拔夙著神威沙暖草肥洵真靈

之祕宅巒環谷抱實絕域之奧區

高宗純皇帝拓地烏孫洗兵魚海單于繫頸三捷成掃穴
之勲貳負陳尸列成息傳烽之警選重臣以留鎮
度沃壤以興屯久恢一統之模永秩百神之祀曩
者籌邊五夜曾識聚米之形後來刊旅九山長作
維屏之固迺咨祠部載練吉辰典禮肇稱薦馨香
以昭格懷柔式應配嶽鎮以尊崇補山海之圖經
傳於奕禩表渠支之疆域殺我邊黎用奠清尊永
垂鴻祐 阿里瑪圖河隨其文曰惟
神德洽盈虛功資灌溉屬塔勒奇之左幹帶水分流

環海弩克之西偏平沙交錯涵濡嘉植千林呈離
實之英迴抱長川萬井沐滋培之益地靈克効祀
事孔將

高宗純皇帝旣顯武功用敷文命東風受吏聿彰柔遠之
謨溟海來王共叶安瀾之慶緬神功之布潤蔚物
產之含滋秋實春華平衍溥自然之利濟川作楫
利涉占攸往之宜典在祠官祇申歲祀錫鴻儀於
望秩肅薦馨香荅靈貺於元冥永登俎豆春秋勿
替昭鑒在茲 阿布喇勒山

正其文曰惟

神秀甲金方勝標玉塞崇岡起伏從葱嶺以分支疊

嶂峻嶒環烏孫而作鎮近通喀什遠控伊犁納喇
特峙其陽翠屏儼對崆吉斯繞其左碧水如環緬
靈異之夙傳宜馨香之式薦

高宗純皇帝丕昭武畧戡定遐荒昧谷之西遣亥章以測
日輪臺以外駐戍已而開屯乃眷名山實稱福地
犁庭露布久徵默佑之功觸石雲興允著懷柔之
效緬販章之式廓怙沙磧之永寧嘉貺畢臻明禋
肇舉刊旅未詳於禹貢始知聚會有期庠縣載考
夫周官益信報功不爽春秋望秩瞻峻極於北庭
風雨和甘垂祐庥於西海自今以始申錫無疆

哈什河

隨祭其文曰惟

神澤沛金方靈昭坎德匯特克斯而共注衆派同歸
經固勒札以分流平原獨沃淵澄方折記玉水之
潏洄績著安瀾靜銀波之浩淼効靈不爽錫典宜
隆

高宗純皇帝撫定遐陬牧寧荒服塞烟隴月駐細柳以開
營雪涸波風挾飛鯢而競渡舊賴斯河之天險益
慶有永之波恬粵稽唄鹿名州益增式廓久布沈
麋令典用妥神明康我邊陲永秩春秋之祀綏爾
藩部共歌清宴之庥肅此苾芬尙其昭格 隆吉

斯河

隨祭

其文曰惟

神洪源遠布遐澤旁敷潤西域之神臯灌輸攸賴隸
北庭之都護耕牧稱繁巨嶺東來東岡巒之蜿蜒
大河西折作襟帶於伊犁環沙漠以揚流効地靈
而播德含茲有慶命典聿昭

高宗純皇帝撫恤羣藩削平諸部百靈効順張雷動之六
師庶彙咸昌興雲屯之千耦惟茲巨川之利濟實
爲神爽所式憑在昔飲馬長流澄波旣慶卽今列
屯濛汜渥澤均沾特肅祠官載隆望祀屆春秋而
將享丕昭漸被之庥練時日以潔蠲克集懷柔之

福承茲永秩式此居歆 阿勒坦額墨爾都圖山

正祭其文曰惟

神鎮定邊隅奠寧朔漠東接格登之險疊嶂岩堯南
通莎嶺之雄堆雲峭嶸坤元叶吉色偏應乎乾金
艮止常安位乃居於坎水洵伊犁之保障宜禋祀
之優崇

高宗純皇帝撫恤準夷綏來藩部自古職方有典未服懷
柔於今王會久圖如親刊旅惟此山之雄峙爲絕
域之殊觀襟帶環流束銀濤於策集屏藩拱列連
碧嶽之和羅掌在祠官用頒制帛牲牢具備遙申

徧望之誠俎豆維馨永著庠縣之典神其來格鑒

此明禋 薩瑪爾河

隨祭其文曰惟

神靈源夙著渥澤常濡居額蘇克之上游衍伊犁河
之別派遙岑北拱萬疊雲連大水南環千條練瀉
亘神皋而利濟滋絕域以含膏莫彼迴瀾昭茲秩
祀

高宗純皇帝誕敷文德式廓輿圖輯部落於荒陬功惟作
潤軫羣黎之日用期以飲河惟坎功之用涉咸昭
斯戊校之開屯有藉秩專官以致享典肅春秋酬
靈貺而告虔吉諏辛甲奎屯上下永恢聲教之隆

策集東西共受明禋之賜神其昭鑒薦此椒馨

策集河

隨祭其文曰惟

神導源西極疏派北庭抱巖谷以奔趨莫禦激湍之
勢溉土田而衍沃聿宏潤物之施細浪翻銀脈絡
遙連乎察罕長虹飲練尾閭下注乎伊犁禹迹未
通靈境軼大荒經外堯封旣拓嘉名補王會圖中

高宗純皇帝撫育寰區牧寧邊徼武功丕振全收葱嶺之
河屯政肇修遠引蒲昌之海惟名川之用涉宜昭
報之有加承坤德以流甘位兌維而布潤往歲六
軍飲馬式彰呵護之靈長茲重譯款關胥受懷柔

之化爰崇明祀致肅所司陳璋邸以升馨潔奠尊
以致告澄波淼淼永環都護之城流水泱泱遙繞
祁連之嶂益徵靈貺尙鑒精誠 奎屯河隨祭其文
曰惟

神衍派天山導源月窟湛然無滓性殊湯谷之溫注
焉不盈德比寒泉之食波成紋而曲折下注伊犁
水如鏡以澄明近隣策集功惟潤下勢欲朝宗洵
神應之聿昭宜吉燭之罔替

高宗純皇帝并包九寓戡定二庭路逾弱水之西壬鈴遠
授地盡河源之外戊校新屯乃司都護之臣肇舉

名川之祀穿渠引水灌溉之利攸資剡木乘桴濟
涉之功尤遠自古販章未聞不登立本之圖久茲
中外爲家合補酈元之注清醪載酌制帛爰陳康
我塞垣永作渠搜之襟帶昭茲功德長歆嗣歲之
馨香式薦苾芬庶希鑒格 塔勒奇山 正其文曰
惟

神保障金方安敦兌城南屏拱抱沿山之鄂博星聯
北渚迴環傍水之謨多錦簇源泉有本開一鑑於
峯頭烟火相望聳孤城於遙岸形勢冠諸絕域典
物錫以隆文

高宗純皇帝遠服咸賓西戎卽敘壺漿載道受藩長之來
降旗鼓分馳擒叛臣之往竄然孚神貺迅奏膚功
設百雉之雄關弓懸新月導雙流之谷口馬飲清
泉久列廢縣用申望秩屆春秋而頒帛慶雉譯之
咸通諷辛甲以薦馨保鴻圖之常固尙其昭鑒永
克歆承 賽里木淖爾隨祭其文曰惟

神坎德宣昭蒙泉濬發自塔勒奇之峻嶺靈派遙分
爲厄魯特之名川羣流交匯晴波朗澈作襟帶於
烏孫巨浪安恬慶澄清於蒲海佐坤元而布化亘
沙磧以含滋允協懷柔宜崇昭報

高宗純皇帝撫綏遐徼耆定豐功績紀犁庭勒石格登之
嶂威行破竹洗兵伊麗之河惟式廓之丕增寶有
神之默相稽秣馬龍堆之日効順而助國威洎屯
田鴈塞之年流潤以滋土脈用展浮沈之典庶期
盼蠻之通玉帛載陳春秋勿替典雲有滄萬頃溥
灌溉之功鼓棧遄行諸藩効朝宗之願有感而必
應用康濟乎塞垣源遠則流長永馨香於奕世式
惟國典時乃神庥 察罕烏蘇河隨祭其文曰惟
神敷澤遐方分流絕徼波心澄澈鋪一片之白銀天
色空明映千層之素練沃野則霍集格爾繡壤毗

連遠峯則哈喇姑顏翠屏環抱溯源有自利涉攸
資

高宗純皇帝統馭八紘昭宣七德設候流沙以外載拓堯
封洗兵瀚海之西遠恢周索神効靈以俟應天助
順而成功惟茲察罕之川近在伊犁之域溯王師
之渡漠相底宏勲洎都護之屯田溥茲美利土膏
滋液應坎德以濟生民水氣和甘徧兌方而宣渥
惠爰稽故典載肅常禋奠玉帛以孔虔秩春秋以
致告吉蠲將事列四瀆之崇班彤饗丕昭錫千秋
之繁祉庶希鑒格永祚塞垣 霍爾果斯河隨其

文曰惟

神德配元冥位居兌澤播土膏之沃衍利濟威昭潤
絕域之奧區盈科有漸達洪波而遠邁直接伊犁
滙衆派以支分近聯策集瀚靈源之博博錫祀典
以輝煌

高宗純皇帝康乂西陲蕩平朔漠翦準噶爾之餘孽勢失
負隅俘渥赭特於重圍計窮飛渡惟神功之設險
乃小醜之削平穹廬傳鶴唳而先驚逆酋亡命士
馬挾風濤而俱迅王旅奮威久修典禮於祠官用
薦馨聞於望秩尙其昭鑒將以苾芬

春秋皆譯
用清字

風神廟在惠遠城西門外乾隆四十年建

火神廟在惠遠城北門內乾隆五十七年建

文昌宮在惠遠城東門內舊有

文昌閣因閣當街衢礙難祭祀嘉慶十年將軍松筠

就閣西北改建

文昌宮以舊閣祀

魁星

關帝廟原在惠遠城北門內乾隆五十七年將軍保

寧

奏改

真武廟移建

關帝廟於西門大街

以頒額曰神佑新疆聯曰春秋志在威名遠戍已屯開廟
貌崇

城隍廟在惠遠城北門內乾隆四十年建

龍王廟在惠遠城南門外乾隆四十年建

八蜡廟在惠遠城鼓樓東乾隆三十二年建

劉猛將軍廟在惠遠城鼓樓西乾隆三十二年建

喇嘛寺乾隆二十七年初建於綏定城三十二年

將軍阿桂

奏移建惠遠城東門外河岸

賜名普化寺

祠堂在惠遠城北門內乾隆三十一年將軍明瑞
奏建祀前定北將軍領侍衛內大臣兵部尙書誠勇
公班第前叅贊大臣內大臣兩江總督勦勤伯鄂
容安

欽賜額曰漠陞競烈三十二年將軍阿桂

奏准以前將軍領侍衛內大臣雲貴總督兵部尙書
一等誠嘉毅勇公明瑞入祠四十二年將軍伊勒

圖

奏准以前將軍太保大學士鑲黃旗滿洲都統謚文

襄舒赫德入祠五十四年將軍保寧

奏准以前將軍太子少保領侍衛內大臣兵部尙書
一等伯謚襄武伊勒圖入祠嘉慶三年將軍保寧
奏准以前將軍

御前大臣太保大學士領侍衛內大臣誠謀英勇公謚
文成阿桂入祠十三年將軍松筠

奏准以前將軍

御前大臣太子太保大學士領侍衛內大臣世襲義烈
公謚文端保寧前將軍

御前侍衛理藩院尙書成都將軍世襲承恩公博翁武
巴圖魯諡武毅奎林入祠

節孝祠在惠遠城東北隅嘉慶十二年將軍松筠
查照會典建立先是嘉慶四年六月將軍保寧審
辦土爾扈特家奴三吉強姦主母孀婦伯克木庫
一案奉

上諭據保寧奏土爾扈特家奴三吉將伊主母孀婦伯克
木庫強姦因伯克木庫不從三吉卽將伊主母頸骨扭
折殞命將三吉照例卽行凌遲處死等語土爾扈特三
吉意欲強姦伊主母孀婦伯克木庫因伯克木庫不從

膽敢起意將伯克木庫頸骨扭折以致殞命焚房逃走甚屬目無法紀淫惡已極保寧審明將三吉卽行凌遲處死辦理甚當但內地凡有旗民人等因姦以致盡節殞命者例應奏明旌表伯克木庫係一索倫婦人卽知大義至死不從殊屬可嘉自應旌表凡新疆各部落人等遇有此等者有無旌表之例保寧摺內並未聲敘明白如有旌表之例保寧爲何遺漏並未一併聲明具奏若無此例亦當照內地一體旌表敦厚風俗以慰盡節幽魂著永爲定例其伯克木庫著照此例旌表欽此是年九月將軍保寧查明伊犁駐防滿洲錫伯綠營

兵丁之孀婦內守節已屆年限者

奏請照內地一體旌表奉

旨所奏甚是中外之人皆係朕世僕理宜一體施恩著卽照保寧所請行欽此嗣准禮部咨開今屆行查之期所有應請

旌表之節婦除因夫受過

封典者毋庸開造外其有三十歲以內守節婦人年至五十及年逾四十而身故計其守節已歷十五年並未婚貞女與例相符或未符而身故者俱應

旌表八旗內該叅佐領等加結申送該都統各省駐防

亦由該叅佐領等申送該將軍都統副都統嚴加
確核造具清冊注明並無再醮違例字樣務於八
月以前徑送本部核辦又准禮部咨開伊犁將軍
保寧題請滿營節婦應行

旌表俟

命下之日地方官給銀三十兩聽本家自行建坊其節孝

祠中設牌之處查照定例遵行自此歷年遵辦嘉

慶五年報部者惠遠城四十人

馬甲金格之妻瓜勒佳氏 步甲塔

蘭泰之妻王佳氏

步甲巴常阿之妻敖佳氏

候補筆帖式富增阿之妻伊爾根覺羅氏 馬甲

根保之繼妻吳札拉氏 馬甲色克圖之妻李佳

氏 馬甲德常之妻楊佳氏 馬甲東果爾之繼

妻伊爾根覺羅氏 馬甲沙金泰之妻富佳氏
前鋒班達爾什之妻阿巴哈那爾氏 馬甲賽圖
之妻聶格爾氏 養育兵四十一之妻富察氏
馬甲三常之妻章佳氏 馬甲六十八之妻沙佳
氏 馬甲朱爾松額之妻烏玉特氏 驍騎校八
十九之繼妻舒舒覺羅氏 馬甲烏凌阿之妻宋
佳氏 馬甲索蘭泰之妻業格勒氏 原任防禦
泰永之妻李佳氏 馬甲明安泰之妻岱佳氏
馬甲薩爾意阿之妻亨佳氏 原任協領赫僧額
之繼妻吳佳氏 馬甲六十八之妻楊桂氏 馬
甲德仙寶之妻吳佳氏 馬甲唐宗阿之妻曹佳
氏 馬甲富色納之妻伊拉里氏 馬甲舒明阿
之妻瓜勒佳氏 馬甲盛德之妻喬佳氏 馬甲
明安泰之妻楊佳氏 步甲明保之妻韓佳氏 馬
馬甲春得之妻古魯特氏 壯丁官保之妻黃鄂
羅特氏 馬甲萬布之妻杭阿太氏 馬甲富明
阿之妻章佳氏 馬甲七十六之妻章佳氏 馬
甲更音布之妻李佳氏 馬甲永魁之妻瓜勒佳
氏 步甲圖薩泰之妻宋佳氏 馬甲永惠寧城
德之妻李佳氏 馬甲德寧之妻姚佳氏

二十六人

馬甲富長阿之妻李佳氏 馬甲前保

氏 馬甲西金太之妻馬佳氏 馬甲陳保之妻鄂卓羅

繼妻瓜勒佳氏 馬甲舒長之妻富查氏 馬甲

佛爾青俄之妻金佳氏 馬甲博奇善之妻金佳

氏 馬甲吉爾張阿之妻肖佳氏 馬甲美格之

妻格爾忒氏 馬甲圖門太之妻孟佳氏 馬甲

札布尙阿之妻達爾噶特氏 馬甲素明阿之妻

吳札拉氏 馬甲多林之妻吳由特氏 馬甲薩

寧阿之妻柯爾可里氏 馬甲伯景阿之繼妻瓜

勒佳氏 馬甲福星保之妻伯于特氏 馬甲萬

家保之妻瓜勒佳氏 養育兵愛仁阿之妻齊布

素氏 養育兵齊林之妻桃佳氏 壯丁富朱里

之妻納木都魯氏 壯丁富平之妻瓜勒佳氏

馬甲保永之妻德都里氏 馬甲正家保之妻西

克德里氏 壯丁善清尙之妻德都里氏 前鋒

永興之妻錫伯營四人 披甲鄂爾碩倫之妻果爾

趙弩特氏 披甲老格之妻瓜勒 六年報部者惠

鳥札拉氏 披甲長保之妻吳佳氏 勒

佳氏 披甲長保之妻吳佳氏 勒

遠城六人之妻于富森布之妻白佳氏馬甲保平

氏委前鋒小旗布章阿之妻王佳氏防禦代

明阿之妻舒穆爾佳氏馬甲長善保之妻瓜勒

佳惠寧城七人馬甲舒倫布之妻托霍爾齊氏

氏馬甲成官保之妻何舍哩氏領催賁巴之繼妻

馬甲沈佳氏馬甲赫爾俄之妻齊樂特氏馬甲德

爾之妻伊特木氏馬甲七年報部者惠遠城

二人馬甲額爾登布之妻瓜勒佳惠寧城二人馬

朔隆烏之妻殷佳氏壯商民一人高滿良之八

丁連福之妻卓卜厄特氏馬甲托錦之妻李佳氏

年報部者惠遠城五人馬甲海桑阿之妻王氏

馬甲札什之妻陳佳氏前鋒校丁柱惠寧城五

之妻董佳氏馬甲赫爾額妻何佳氏

人馬甲烏林德之妻富察氏馬甲黑格之妻吳

佳氏馬甲萬靈保之妻吳木特氏馬甲赫

德之妻吳由特氏	爾清阿之妻伊爾根	十八人	馬甲富格之妻托	妻杭噶泰氏	佛爾圖之妻聶佳氏	妻楊佳氏	馬甲烏林泰之妻瓜	李氏	甲挖金泰之妻唐佳氏	氏	前鋒額勒京額之妻楊佳氏	之妻吉木忒氏	甲登格之妻陶佳氏	馬甲愛隆阿之妻瓜	奇塔拉氏	巴雅爾圖之	妻趙佳氏
馬甲烏	布之妻烏佳氏	步甲綽克托之妻圖克敦氏	馬甲蘇當阿之妻富佳氏	馬甲蘇當阿之妻富佳氏	馬甲白佳氏	馬甲德泰之妻伊爾根	瓜勒佳氏	之妻伊爾根	步甲角連之妻舒穆魯	丁氏	馬甲舒善之妻瓜勒佳氏	馬甲七十九之妻陳佳氏	馬甲七十九之妻陳佳氏	馬甲勒佳氏	馬甲德順之妻	協領	十年報部者惠遠城四十九人常德
九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城	九年報部者惠遠城

瓜勒氏 妻顏氏 札布之妻張佳氏 花吉泰之妻那佳氏 之妾張氏 馬甲豐申布之妻李氏 馬甲百壽之妻馬佳氏 馬甲伊都里之妻 舒保之妻佟佳氏 前鋒校舒林太之妻烏佳氏 前鋒保之妻孟佳氏 馬七十八之妻李氏 前鋒康保之妻瓜勒佳氏 馬甲金果爾之妻何佳氏 馬甲佟保之妻瓜 妻樊佳氏 前鋒小旗鳥林德之妻博爾吉圖氏 佳氏 領催霍寧阿之妻伊佳氏 前鋒伍蘭布之妻張 佐領胡圖克之妾段氏 馬甲雅爾布之妻王氏 甲順太之妻瓜勒佳氏 馬甲雲係之妻瓜勒佳氏 妻索綽里氏 馬家保之妻司徒氏 前鋒明德之 佳氏 前鋒馬保之妻司特氏 馬甲金柱之妻陳 和林太之妻伊爾根覺羅氏 馬甲那拉氏 馬甲 妻布拉吉特氏 前鋒達福之妻那拉氏 馬甲 氏 馬甲凝珠太之妻拜依特氏 馬甲明福之 札布之妻張佳氏 馬甲成保之妻張佳氏 馬甲 妻顏氏 馬甲桑安泰之妻額奢爾氏 馬甲黃狗之 氏 馬甲 妻 馬甲烏成保之妻張佳氏 馬甲 花吉泰之妻那佳氏 馬甲靈阿之妻瓜勒佳氏 馬 之妾張氏 馬甲吉靈阿之妻瓜勒佳氏 馬甲

鳴之妻陳氏	馬甲薩蘭太之妻于佳氏	馬甲
四十三之妻范氏	前鋒蘇章阿之妻白佳氏	馬甲
前鋒惠太之妻瓜勒佳氏	前鋒齊楞太之妻額	
木特里氏	前鋒三神保之妻張佳氏	前鋒塔
清阿之妻聶佳氏	馬甲佛爾太之繼妻齊布蘇	
氏	馬甲呢占之妻張佳氏	馬甲富寧之妻什
保沁氏	馬甲富德之妻章佳氏	前鋒花尙阿
之妻潘佳氏	馬甲崇德之妻特碩爾氏	馬甲
烏林圖之妻	馬甲忠福之妻額卓氏	
烏爾古齊氏	惠寧城二人	前鋒英善之妻巴里
特	十一年報部者惠遠城四人	馬甲麒麟布之妻
氏	清善之妻鈕鈺祿氏	步甲德克精額之
妻馬佳氏	馬甲馬太之妻烏爾古齊氏	惠寧城
二人	馬甲祿善之繼妻博爾吉特氏	十二年報部
者惠遠城四人	馬甲大喜之妻拜雅爾氏	
者	馬甲永安之妻伊拉里氏	步甲
柱之妻王佳氏	馬甲	惠寧城二人
賽尙阿之妻瓜勒佳氏	馬甲	馬甲富明阿
	之妻略齊特	

氏馬甲伊桑十三年報部者錫伯營一人披甲舒舒

之妻薩麻爾氏郭德之妻十四年報部者惠

斯哈哩氏商民一人郭康氏遠城二人前鋒元寶之妻定佳氏惠寧城一人

馬甲鄂勒金布之錫伯營一人披甲七十之妻瓜勒佳氏十五

年報部者惠遠城三人前鋒校富云布之妻葉赫

莽努特氏馬甲福惠寧城二人馬甲阿郎阿之

和亮之妻李佳氏馬甲福錫伯營一人聞散札木素十六

伊爾根覺羅氏之妻年報部者惠遠城二人步甲呢音珠太之妻瓜勒

舒覺佳氏委前鋒善德之妻馬甲陞格之妻舒

羅氏惠寧城五人馬甲福倫之妻朱魯特氏委

前鋒葉布肯額之妻瓜勒佳氏馬甲百齡之錫

妻舒穆魯氏馬甲豐申額之妻拜牙里圖氏

伯營一人披甲祿德之妻和業爾氏十七年報部者惠遠城三

人之妻馬甲諾勒布之妻溫都氏馬甲格伯額惠寧

城六人馬甲阿爾桑阿之妻趙佳氏馬甲塔清

達爾氏馬甲碩登阿之妻王佳氏馬甲福十

星之妻卓特氏領催舒明阿之妻烏色氏馬甲福十

八年報部者惠遠城三人馬甲常安之妻葉格氏

唐佳氏馬甲海惠寧城三人馬甲巴彥格爾之妻

騰額之妻何佳氏馬甲李佳氏馬甲花善保之妻

費彥吉善之妻楊呢雅氏馬甲錫伯營一人披甲噶

之妻汗十九年報部者惠遠城二人開散六十三

佳氏馬甲七克騰惠寧城三人馬甲柯星額之妻瓜

之妻石佳氏布之妻瓜勒佳氏領錫伯營二人披甲巴雅爾

拔甲托云太二十年報部者惠遠城五人馬甲
之妻赫業爾氏
阿之妻唐佳氏前鋒小旗烏勒登額之妻烏佳
氏開散蘇勒芳阿之妻瓜勒佳氏馬甲崇山
保之妻愛新舒舒氏馬惠寧城三人馬甲來哥
甲錫新泰之妻李佳氏
氏馬甲納參太之妻伊拉里氏二十一年將軍
委前鋒封生俄之妻薩克達氏
松筠

奏言伊犁索倫營左翼四旗官兵等俱各蓋莊房同
達虎爾一體種地自耕自食迥非游牧可比其內
現有孀婦守節已屆年限請同錫伯孀婦一體
旌表奉

旨該部議奏欽此旋經議准施行是年報部由錫伯移駐

者一人馬甲金德之妻索倫營十一人馬甲愛屯之妻

氏馬甲博勒狠保之妻敖拉氏驍騎校堤普

柯勒圖之繼妻莫爾第音氏馬甲僕音保之妻

莫爾第音氏馬甲巴屯察之妻圖克敦氏馬

甲薩林太之妻敦拉氏馬甲拂林保之妻果布

勒氏馬甲噶察之妻敖拉氏領催交保之妻

敖拉氏馬甲愛崇阿之妻倭勒氏馬甲阿木

齊古勒之妻都拉氏

軍臺

軍臺處管理發遞公文摺報在惠遠城西門內應

差滿營兵十名精河綠營兵四名無額設車馬其

馬匹由八旗調取

沙喇布拉克臺伊犁未建惠遠城之先將軍參贊大臣皆駐劄綏定城故於綏定城

東北烏哈爾里克地方設立底臺嗣在惠遠城西移至沙喇布拉克安設仍舊爲底臺

北七十里俗名小蘆草溝與沙喇布拉克卡倫相近額設滿營委筆帖式一員兩滿營兵十四名錫伯兵四名車二兩馬二十五匹牛二十隻

塔勒奇阿滿臺在塔勒奇山口內里許距沙喇布拉克臺六十里東距塔勒奇卡倫五里額設滿營委筆帖式一員兼管鄂博勒齊兩臺精河綠營兵十四名車

二兩馬四十三匹牛十二隻

鄂博勒齊爾臺在塔勒奇山溝內距塔勒奇阿滿臺四十里額設精河綠營兵十四名車二兩馬四

十三匹牛十二隻

鄂勒著依圖博木臺在賽里木淖爾東岸與干珠罕卡倫相近自臺南行折而西南沿淖爾行五十里陟松樹頭達巴罕踰達巴罕入山溝西南行三十里至鄂博勒齊爾臺額設滿營委筆帖式一員兼管瑚素圖布拉克臺精河綠營兵十四名車二兩馬四十二匹牛十二隻

瑚素圖布拉克臺在兩山間距鄂勒著依圖博木臺八十里自此東四十里有界牌爲伊犁精河交界又東五十里爲托霍木圖臺額設精河綠營兵

十四名車二兩馬四十三匹牛十二隻

以上東路軍臺乾隆二十七年辦事大臣阿桂等奏言前者臣等奏明今秋添設額林哈必爾罕路軍臺自精河博羅布爾噶蘇登努勒太一帶至伊犁安設適今年二月精河運至籽種以登努勒大雪大難行詢問熟悉路程之厄魯特人等由塔勒奇達巴罕賽里木淖爾庫森木什克等地方運送前來查塔勒奇達巴罕比博羅布爾噶蘇達巴罕山路平正秋雪亦比登努勒太較少惟水大之時略爲不便而該處有噶爾丹策凌時舊橋數處雖有

損壞差人修造可以行走所有應設軍臺臣咨行
烏魯木齊大臣卽改由塔勒奇至托里六處安設
得

旨允行

巴圖蒙柯臺在伊犁河南岸錫伯地界距惠遠城
十五里額設錫伯委筆帖式一員錫伯兵十五戶
車二兩馬十五匹牛十隻

海努克臺在伊犁河南岸距巴圖蒙柯臺九十里
巴圖蒙克臺東南三十餘里出錫伯界入厄魯特
游牧界乾隆二十五年協同辦事大臣伊柱

奏進虎紐銅印一方在海努克地方收獲其文曰管轄厄魯特後旗札薩克印旁識雍正四年十月鑄成有

聖製詩臺迤南半里許坡上有牆垣遺址卽準噶爾銀頂寺故基也額設滿營委筆帖式一員兼管索果爾臺厄魯特兵十五戶車二兩馬十五匹牛十隻

索果爾臺在索果爾達巴罕北二十里距海努克臺九十里額設厄魯特兵十戶馬十五匹牛十四隻

博爾臺在索果爾達巴罕一帶山之陽距銅廠一

百里距索果爾臺八十里額設滿營委筆帖式一

員

兼管霍諾海臺

厄魯特兵十五戶馬十五匹牛十四隻

霍諾海臺在大霍諾海東小霍諾海西距博爾臺一百里額設厄魯特兵十五戶馬十五匹牛十四隻

特克斯臺在特克斯河南岸距霍諾海臺一百里自霍諾海臺西南行過大霍諾海水巴拜布拉克水塔塔爾虎布拉克水大哈爾罕圖水小哈爾罕圖水月爾圖水沙拉諾海水踰青石梁過哈升水哈拉烏蘇水至特克斯河北岸渡河卽特克斯臺

額設滿營委筆帖式一員

兼管沙圖阿滿臺

厄魯特兵十

五戶馬十五匹牛十四隻

沙圖阿滿臺距特克斯臺八十里自特克斯河岸西南行皆平川七十餘里入山山口內里許卽沙圖阿滿臺自臺南行五里爲天橋伊犁阿克蘇交界之所又南九十五里爲噶克察哈爾海臺至冰嶺之陰矣額設厄魯特兵十五戶馬十五匹牛十四隻

以上南路軍臺乾隆二十八年叅贊大臣伊勒圖奏言伊犁至沙圖阿滿七處新設軍臺臣親身照看

兵丁戶口牲畜過伊犁河按次住牧其伊犁舊軍臺全行撤回再特克斯河水勢深濶新住兵丁不諳過渡查舊軍臺有威呼一箇善於威呼之索倫兵一人可再添造威呼一箇留索倫兵一人教習兩月後熟習過渡即將索倫兵二人撤回得

旨允行

河渡

伊犁河口渡船二隻

固勒札渡船二隻

以上河渡二處俱令遣犯常川伺候以備往來行

人並南路回城運送官物隨時過渡派員稽查
運糧船十六隻乾隆三十二年將軍阿桂以回子
所交糧石貯固勒札倉距惠遠城九十餘里難於
車運

奏明每旗造船二隻是年造船試運可行至三十七
年船成每年伊犁河開後自三月起至九月底止
由固勒札倉陸續運糧四萬石交惠遠城倉收貯
以供支發派本城協領二員經理廢員二三員督
同滿兵押運每年運竣官員奏明議敘兵丁賞給
一月鹽菜押運廢員注冊後因惠遠城倉貯糧石

既多間於水小之年止運二萬石餘按年具

奏有案又

奏定修船年分三年小修五年大修小修之年船工

處自行辦理其拆造大修所需銀兩在房租項下

動撥報銷

造船必須榆木大料將來採伐年久大料漸少不敷成造於水運礙難辦理可

於惠遠城河南岸建設倉廩以儲大河以南同屯應交固勒札倉糧石其大河東北一帶同屯應交糧石改歸惠寧城倉固勒札倉分貯即可省水運船隻此將來不得已變通之法因附記焉

堤堰

嘉慶十二年將軍松筠

奏言伊犁惠遠城在大河北岸當年城至河岸相距

二三里歷年河水冲刷其隄岸率以柳圍絡石水
長輒壞辦理迄無成效今河岸距城僅半里許臣
於本年春間派委原任河道總督李亨特相度形
勢創築挑水土壩長六十餘丈底寬七丈頂寬四
丈迎溜築掃鑲護水至掛淤本年夏秋水發竟免
冲刷是此項壩土實屬有益相應奏明嗣後每年
春間責成八旗協領於旗屯收穫糧石變價項下
撥節動用給與當差遣犯鹽菜口糧歲爲修理並
著理事撫民兩同知稽查總司其事可期近城堤
岸永免冲刷之患奉

殊批覽欽此